

Faahororaa no te Faaineineraa no te putuputuraa Oraraa e taviniraa

2-8 NO TETEPA

TAO'A RAU BIBILIA | HEBERA 7-8

“E tahu‘a oe mai ia Melehizedeka ra te huru e a muri noa ‘tu”

it-2-F 249

Melehizedeka

Arii o Salema i tahito ra e ‘tahu‘a na te Atua teitei,’ o lehova. (Ge 14:18, 22) O ‘na te tahu‘a matamua faahitihia i roto i te Bibilia. Ua rave oia i tera hopoia te tahi taime hou 1933 hou te Mesia. Inaha e arii o Melehizedeka o Salema, o “Hau” ia te auraa, ua faahiti te aposetolo Paulo ia ‘na ei “Arii o te hau.” E no to ‘na i‘oa, ua faahiti o Paulo ia Melehizedeka ei “Arii o te parau-tia.” (Heb 7:1, 2) E au ra e ua riro te Salema i tahito ra ei pu o te oire piihia i muri iho o Ierusalem. Ua tuuhia te i‘oa Salema i roto i te i‘oa Ierusalem e i te tahi taime e piihia tera oire o “Salema.” —Sal 76:2.

I to Aberama (Aberahama) upootiaraa i nia ia Kederalomara e ta ‘na mau arii apiti, ua haere oia i te peho o Seheva aore ra “te peho o te arii ra.” I reira i “hopoi atura hoi te arii o Salema o Melehizedeka, i te pane, e te uaina” e i haamaitai ai ia Aberahama ma te parau: “la haamaitaihia Aberama e te Atua teitei, e te Fatu o te ra‘i e te fenua nei! e ia haamaitaihia hoi te Atua teitei o tei tuu mai i to mau enemi i to rima na.” I muri iho, ua horoa o Aberahama i te arii-tahu‘a “te ahuru i taua mau tao‘a atoa o te pau ra no ‘na,” oia hoi “o te mau mea maitai roa ‘e ta ‘na i haru mai” a upootia ‘i nia i te mau arii tei amuihia.—Ge 14:17-20; Heb 7:4.

it-2-F 250 par. 3

Melehizedeka

No te aha e mea tano ia parau e ‘aore e haamataraa e aore e hopea to Melehizedeka oraraa’?

Ua haamahiti o Paulo i te hoē tuhaa faahiahia roa no nia ia Melehizedeka a na ô ai: “Aore e metua tane to ‘na, aore e metua vahine, aore e pāpāraa tupuna, aore e haamataraa to to ‘na pue mahana e aore atoa e hopea to to ‘na oraraa, ua faarirohia râ oia mai te Tamaiti a te Atua ra te huru, e vai noa ia oia ei tahu‘a no te mau tau atoa.” (Heb 7:3) Mai te tahi atu mau taata, ua fanauhia o Melehizedeka e ua pohe o ‘na. Tera râ, aita i faahitihia te i‘oa o to ‘na metua tane e metua vahine, aita atoa to ‘na mau tupuna e huuai e aita e haamaramaramaraa i roto i te Bibilia no nia i te omuaraa e te hopeareaa o to ‘na oraraa. Mea tano ia te faahoho‘araa ia lesu ia Melehizedeka inaha aita e hopeareaa to te autahu‘araa o lesu. Aita i faahitihia te tahu‘a hou o Melehizedeka e i muri a‘e ia ‘na, aita atoa e tahu‘a rahi na mua a‘e i te Mesia e i muri a‘e ia ‘na. Te faaite atoa ra te Bibilia e aita hoē a‘e te mono ia ‘na. Hau atu, noa ‘tu ua fanauhia lesu ei huuai o te ati luda e na te arii Davida, aita hoē a‘e o to ‘na tupuna i nia i te fenua i amo i te hopoia ei tahu‘a, aita hoē a‘e atoa i riro mai ei tahu‘a-arii, maori râ o lesu no te mea na lehova iho i faatoroa ia ‘na.

it-2-F 249

Melehizedeka

Te huru o te autahu‘araa a te Mesia. I roto i te hoē parau tohu no nia i te Mesia, teie te parau tāpū ta lehova i faahiti i ta Davida “Fatu”: “E tahu‘a oe e a muri noa ‘tu, ia au i te parau ia Melehizedeka.” (Sal 110:1, 4) Maoti teie Salamo papaihia i raro a‘e i te aratairaa a te varua mo‘a, ua taa i to Hebera e amo te Mesiafafauhia i te hopoia ei tahu‘a e ei arii. I roto i te rata a to Hebera, ua haapapu te aposetolo Paulo o vai tei riro mai ei tahu‘a e ei arii a parau ai “o [lesu] hoi tei riro ei tahu‘a rahi mai ia Melehizedeka ra te huru e a muri noa ‘tu.”—Heb 6:20; 5:10; a hi‘o FAU-FAA.

A maimi i te mau poe pae varua

it-1-F 79 par. 7

Faufaa

E nafea te faufaa i faaauhia ia Israela, oia hoi te Ture i riro ai ei “mea tahito”?

Tera râ, ua riro te faufaa i faaauhia ia Israela, oia hoi te Ture, ei “mea tahito” i te taime i tohu ai te Atua na roto i te perophta ra o Ieremia e e haamauhia te hoê faufaa apî. (Ier 31:31-34; Heb 8:13) I 33, ua oti te faufaa i faaauhia ia Israela i to te Mesia poheraa i nia i te pou haamauuiraa (Kol 2:14) e ua mono te faufaa apî i te reira.—Heb 7:12; 9:15; Ohi 2:1-4.

A RAVE MAITE I TA OE TAVINIRAA

Oreroraa parau

it-1-F 80 par. 5-7

Faufaa

Faufaa apî. I te senekele hitu, ua fafau lehova na roto i te perophta o Ieremia e haamauhia te faufaa apî, e ere roa ’tu mai te faufaa faaauhia ia Israela ta ratou i ore i haapaohia. (Ier 31:31-34) I te po hou to ’na poheraa, i te 14 no Nisana 33, ua faatupu lesu Mesia i te Amuraa maa a te Fatu e ua parau oia e haamauhia te faufaa apî maoti ta ’na tusia. (Lu 22:20) E 50 mahana i muri a'e i to ’na tia-faahou-raa e ahuru mahana i muri iho i to ’na haereraa i to ’na Metua ra, ua ninii oia i te varua mo'a ta lehova i horoa ’tu ia ’na, i nia i to ’na mau pipi tei putuputu mai i te piha rahi i nia, i Ierusalema.—Ohi 2:1-4, 17, 33; Ko2 3:6, 8, 9; Heb 2:3, 4.

Ua haamauhia teie faufaa apî i rotopu ia lehova e i “te Israela o te Atua,” te mau Kerisetiano faatavaihia e tei amuihia i te Mesia no te riro ei amuihraa no ’na aore ra to ’na tino. (Heb 8:10; 12:22-24; Ga 6:15, 16; 3:26-28; Ro 2:28, 29) Ua fariihia te faufaa apî maoti te toto o lesu Mesia (te tusia o to ’na ora ei taata), tei pûpûhia na lehova i muri a'e i to lesu haereraa i te ra'i. (Mt 26:28) A maiti ai te Atua i te hoê taata no te

ora i te ra'i (Heb 3:1), e faaô Oia ia ’na i roto i te faufaa apî niuhia i nia i te tusia a te Mesia. (Sal 50:5; Heb 9:14, 15, 26) O lesu Mesia te arai o tera faufaa apî (Heb 8:6; 9:15) e te huuai matamua o Aberahama. (Ga 3:16) Ei arai o tera faufaa apî, te tauturu ra lesu i tei ô i roto i tera faufaa ia riro ei tuhao o te huuai mau o Aberahama (Heb 2:16; Ga 3:29) maoti te faaoreraa i ta ratou mau hara. No lehova, ua riro ratou ei taata parau-tia.—Ro 5:1, 2; 8:33; Heb 10:16, 17.

E riro taua mau taeae faatavaihia o te Mesia ei tauturu a te Tahu'a rahi, te “autahu'araa arii.” (Pe1 2:9; Apo 5:9, 10; 20:6) E rave ratou i te ohipa a te tahu'a, te hoê “taviniraa mo'a” (Php 2:17) e ua piihia ratou te mau “tavini i te hoê faufaa apî.” (Ko2 3:6) E mea tia ia ratou ia pee maite i to te Mesia hi'oraa ma te taiva ore tae roa ’tu i to ratou poheraa ei taata. E faario lehova ia ratou ei faatereraa arii tahu'a, e apiti ratou i te mau ohipa i te ra'i e e haamaitai lehova ia ratou ma te horoa ’tu i te ora pohe ore e te tahuti ore ei arii e o te Mesia i nia i te ra'i. (Pe1 2:21; Ro 6:3, 4; Ko1 15:53; Pe1 1:4; Pe2 1:4) Te fa o tera faufaa, o te faataa ê mai te hoê nunaa no to lehova i'oa o te riro mai ei tuhao o te “huuai” o Aberahama. (Ohi 15:14) E riro ratou ei “vahine” a te Mesia e o ratou ta ’na e faaô i roto i te faufaa no te hoê Faatereraa arii ia faaterere atoa ratou e o ’na. (Ioa 3:29; Ko2 11:2; Apo 21:9; Lu 22:29; Apo 1:4-6; 5:9, 10; 20:6) No te raea i tera fa, e titauhia ia vai noa te faufaa apî tae roa ’tu i te taime e faatiahia i te ra'i pauroa o te “Israela o te Atua,” no te hoê oraraa pohe ore. I muri iho, e rave rahi haamaitairaa mure ore te itehia. No reira e piihia ’i tera faufaa apî “te hoê faufaa mure ore.”—Heb 13:20.

9-15 NO TETEPA

TAO'A RAU BIBILIA | HEBERA 9-10

“E ata no te mau haamaitairaa e tupu a muri a'e”

it-2-F 490

Faaoreraa i te hara

Ia au i te Ture ta te Atua i horoa i te nunaa Israela, mai te peu e hara te hoē taata i te Atua e i te taata e e hinaaro o 'na ia faaorehia te reira, e faaafaro na mua roa oia i te hape mai ta te Ture e titauhia e i rotō i te rahiraa o te mau tupuraa, e pūpū oia i te hoē tusia na Iehova. (Le 5:5–6:7) No reira Paulo i faahiti ai i tera faaue-raa tumu: "Oia mau, ua tamāhia te rahiraa o te mau mea i te toto ia au i te ture a Mose, aita ana'e e toto i manii, aita atoa īā e faaoreraa hara." (Heb 9:22) Papu maitai rā aita te toto animara e nehenehe e faaore roa i te hara e e horoa i te taata i te hoē mana'o haava mā roa. (Heb 10:1-4; 9:9, 13, 14) Tera rā, maoti te faufaa apī touhia, e nehenehe te faaoreraa i te hara e tupu na rotō i te tusia taraehara a lesu Mesia. (Ier 31:33, 34; Mt 26:28; Ko1 11:25; Eph 1:7) I nia i te fenua, ua faaora lesu i te hoē hapepa a faaite atu ai i to 'na mana no te faaore i te mau hara.—Mt 9:2-7.

it-2-F 548 par. 6

Huru tia roa

Te huru tia roa o te ture a Mose. I rotō i te Ture horoahia ia Israela na rotō ia Mose, e ite-hia te faanahoraa o te autahu'araa e te pūpū-raa o e rave rau animara ei tusia. No ō mai te reira i te Atua, e faanahoraa tia roa īā. Tera rā, mai ta te apostolo i faaite i raro a'e i te aratairaa a te varua mo'a, aita te Ture, te autahu'araa e te mau tusia, i horoa i te taata, i raro a'e i te Ture, te tia-ro-a-rraa. (Heb 7:11, 19; 10:1) Aita te Ture i faatiamā i te hara e te pohe, ua haapupu atu â rā i te huru hara o te taata. (Ro 3:20; 7:7-13) Maoti rā tera mau faanahoraa no ō mai i te Atua, ua raea te reira i te fa ta te Atua i haamau. Ua riro te Ture mai te hoē "tiai" o te aratai i te Mesia, mai te 'ata tia roa no te mau haamaitairaa e tupu a muri a'e.' (Ga 3:19-25; Heb 10:1) No reira, a parau ai Paulo: "Ta te ture a Mose i ore i tia i te rave no te hara a te taa-

ta" (Ro 8:3), te faahiti papu ra oia aita te ta-hu'a rahi ati luda (faatoroahia maoti te ture a Mose no te haapao i te mau tusia e o te nehe-nehe e ō i rotō i te Vahi Mo'a Roa i te Mahana taraehara e te toto pūpūhia ei tusia) e nehe-nehe e "faaora roa" i te feia ta 'na e tavini ra, mai ta te Hebera 7:11, 18-28 e faataa ra. Mao-ti te mau tusia pūpūhia na te mau tahu'a o te opu no Aarona, ua nehenehe te taata e fana'o i te hoē roo maitai i mua i te Atua. Aita rā te reira e faaore roa e ma te tia roa i to 'na iteraa e taata hara o 'na. Tera ta te aposetolo i hinaaro e parau a na ō ai e aita te mau tusia taraehara "e tia-ro-a-hia i te reira," oia hoi aita to ratou mana'o haava e mā mai ma te tia roa. (Heb 10:1-4; a hi'o atoa Heb 9:9.) Aita īā te tahu'a rahi e nehenehe e horoa i te hoo o te faaore roa i te hara. O te autahu'araa mure ore noa a te Mesia te nehenehe e rave i te reira.—Heb 9:14; 10:12-22.

A maimi i te mau poe pae varua

it-1-F 263 par. 8

Bapetizoraa

Ua papai o Luka e te pure ra o lesu i te taime o to 'na bapetizoraa hia. (Lu 3:21) I muri iho, ua faaite te taata papai i te rata a to Hebera e i to lesu "haereraa mai i te ao nei" (e ere i te tai-me o to 'na fanauraahia mai, aita hoi oia i nehe-nehe e taio e e faahiti i taua mau parau ra. I te taime rā i bapetizohia 'i oia e i haamata 'i i ta 'na taviniraa) ua parau oia, ia au i te Salamo 40:6-8: "Te tusia e te ō, aita oe i hinaaro, ua faa-inine rā oe i te hoē tino no 'u. . . . Inaha, ua haere mai au (no 'u te parau i papaihia i rotō i te otaro) no te rave i to hinaaro, e te Atua e." (Heb 10:5-9) Ua fanauhia lesu ei mero o te ati luda, te nunaa tei faaauhia i te hoē faufaa e te Atua, oia hoi te Ture. (Ex 19:5-8; Ga 4:4) No reira, e nehenehe e parau e ua ō a'e na lesu i rotō i tera faaauraa e te Atua ra o Iehova i to 'na haereraa ia loane no te bapetizo ia 'na. Ua rave lesu i te hoē ohipa hau a'e i tei titauhia ia 'na i

raro a'e i te Ture. Ua pûpû o 'na ia 'na iho i to 'na Metua ra o lehova no te rave i to to 'na Metua "hinaaro," oia hoi te pûpûraa i to 'na iho tino "faaineinehia" o te faaore roa i te mau tusia animara pûpûhia ia au i te Ture. Te faataa ra te aposetolo Paulo: "No teie 'hinaaro' i haamo'a-hia 'i tatou na roto i to lesu Mesia pûpûraa i to 'na tino hoê roa pûpûraa." (Heb 10:10) I roto i to to 'na Metua hinaaro no lesu, te vai atoa ra te mau ohipa taaihia i te Faatereraa arii e ua pûpû lesu ia 'na iho no tera taviniraa atoa. (Lu 4:43; 17:20, 21) Ua farii lehova i te pûpûraa a ta 'na Tamaiti a faatavai atu ai ia 'na e te varua mo'a e a parau atu ai: "O ta 'u Tamaiti oe, tei herehia. Ua mauruuru roa vau ia oe."—Mk 1: 9-11; Lu 3:21-23; Mt 3:13-17.

16-22 NO TETEPA

TAO'A RAU BIBILIA | HEBERA 11

A maimi i te mau poe pae varua

it-1-F 907-908

Faaroo

Te mau hi'oraa faaroo i tahito ra. E niu papu to te faaroo o te taata taitahi o te "naho rahi ite te haaati nei ia tatou" faahithia na Paulo. (Heb 12:1) Ei hi'oraa, ua ite paha ia Abela i te parau fafau a te Atua no nia i te "huaai" o te taahi i to "te ophi" upoo. E ua ite oia i te mau haapapuraa e ua tupu te faaautuaraa ta lehova i faahiti i to 'na na metua i Edene. I rapaeau i Edene, ua amu Adamu e to 'na utuafare i te maa ma te hou i nia i to ratou rae no te mea ua ino te fenua e ua tupu te raau taratara e te motuu. Ua ite papu o Abela e tei ta 'na tane to Eva hinaaro e ua fatu o Adamu i ta 'na vahine. Papu maitai ua faatia to 'na metua vahine i te maui- ui a fanau ai i te tamarii. Hau atu, ua tiaihia te ô i Edene e te mau kerubi e te hoê 'o'e ura. (Ge 3:14-19, 24) Ua riro te reira ei "haapapuraa maramarama" a papu atu ai ia Abela e faaorahia te taata maoti te 'huaai fafauhia.' No to 'na faaroo, ua pûpû o Abela "i te hoê tusia" na te Atua,

tei fariihia ei tusia hau a'e i ta Kaina.—Heb 11: 1, 4.

23-29 NO TETEPA

TAO'A RAU BIBILIA | HEBERA 12-13

"E haapapuraa te a'o i to lehova here"

w12-F 1/7 21 par. 3

"I te taime atoa e pure ai oe, a parau: 'Metua e'"

E a'o te hoê metua tane î i te here i ta 'na mau tamarii no te mea te tâu'a ra o 'na i te huru taata ta ratou e riro mai. (Ephesia 6:4) E titauhia i taua metua tane ra ia papu to 'na huru i nia i te tamarii, eiaha râ ia a'o ma te etaeta. Hoê â huru no to tatou Metua i te ra'i. I te tahai taime e titauhia ia 'na ia a'o ia tatou. E a'o râ te Atua ma te here eiaha râ ma te etaeta. Mai to 'na Metua, aita lesu i haa ma te etaeta, oia atoa i te taime aita ta 'na mau pîpî i farii oioi i te faaafaroraa.—Mataio 20:20-28; Luka 22:24-30.

30 NO TETEPA-6 NO ATOPA

TAO'A RAU BIBILIA | IAKOBO 1-2

"Te e'a e aratai i te hara e te pohe"

g17.4-F 14

Faahemaraa

Te faahemaraa, o te hinaaro rahi ia i te tahai mea ino iho â râ. Ei hi'oraa, a haere ai i te fare toa, e ite tatou e rave rahi tao'a ta tatou e hinaaro e hoo mai. E mana'o paha tatou e mea ohie ia eiâ i te reira e aita e itehia. Tera râ, te na ô ra te mana'o haava: "Eiaha e rave i te reira!" Faarue atura tatou i taua mana'o ra e haere atura ê tatou. Oti ia te faahemaraa e o tatou tei upoo-tia.

TA TE BIBILIA E PARAU RA

E ere no te mea ua tamatahia tatou e e taata ino tatou. Te haapapu ra te Bibilia e o tatou pauroa te faaruru nei i te faahemaraa. (Korinertia 1, 10:13) Te mea faufaa a'e, o to tatou huru

i mua i te faahemaraa. Te vai ra o te tiatonu noa i nia i te hinaaro tano ore e oioi ratou i te hemu. Area te tahi atu, e taa oioi ia e mea ino.

“E faahemahia râ te taata tataitahi ia umehia oia e to ’na iho hinaaro tia ore e ia hema oia.”
—lakobo 1:14.

g17.4-F 14

Faahemaraa

Te haapapu ra te Bibilia eaha te mau taahiraa e aratai i te ohipa ino. Te na ô ra te lakobo 1:15: “E ua tô ana’e te hinaaro tia ore, e fanauhia mai ia te hara.” Oia mau, mai te peu e tiatonu tatou i nia i te hoê hinaaro tano ore, e tae roa tatou i te hoê faito e e rave papu tatou i te reira. Mea papu roa mai te taime i tô ai te hoê vahine, e fanau iho â oia. Tera râ, e nehenehe tatou e ore e riro mai ei tîtî na te hinaaro tano ore. E nehenehe tatou e upootia i nia i te reira.

A maimi i te mau poe pae varua

it-2-F 168 par. 3

Maramarama

O lehova “te Metua o te mau tiarama o te ra’i.” (lak 1:17) E ere noa o ’na i te Atua “tei haapao i te mahana ei maramarama no te ao, e te hae-rea o te maramarama e te mau fetia ei maramarama no te po.” (ler 31:35) Oia atoa te tumu o te maramarama pae varua atoa. (Ko2 4:6) Mai te maramarama ta ’na mau ture, faactiraa haavaraa e parau no te feia e vaiihio ra i te reira ia aratai i to ratou oraraa. (Sal 43:3; 119:105; Mas 6:23; Isa 51:4) Te na ô ra te papai salamo: “Na to oe ra maramarama e maramarama ’i matou.” (Sal 36:9; a hi’o atoa Sal 27:1; 43:3.) Mai te mahana o te tamau i te horoa i te maramarama “tae noa ’tu i te avatea mau ra,” e maramarama ’tu â te e’ea o te feia parau-tia maoti te paari no ô mai i te Atua. (Mas 4:18) E pee tatou i te maramarama a lehova a haere ai na nia i te e’ea ta ’ha e au ra. (Isa 2:3-5) I te tahi a’ea pae, ia hi’o te hoê taata i te tahi ohipa ma te tano ore aore

ra no te rave i te ino, tei roto o ’na i te poiri pae varua. Teie ta lesu i parau: “la nounou râ to oe mata, e poiri ia to oe tino taatoa. Mai te peu e e ere te maramarama to roto ia oe, o te poiri râ, auê ia te rahi o te poiri e!”—Mt 6:23; a hi’o atoa De 15:9; 28:54-57; Mas 28:22; Pe2 2:14.

it-2-F 162 par. 7

Ture

“Te ture hau ê.” la faaauhia i te tahi atu mau ture no nia i to tatou huru i nia ia vetahi ê, mea rahi a’ea te “ture hau ê.” E au te reira i te hoê arii i rotopu i te mau taata. (lak 2:8) Ua niuhia te faufaa i faaauhia ia Israela, oia hoi te Ture, i nia i te here. “la here oe i to oe taata tupu mai ia oe iho” (te ture hau ê), o te piti ia o te faaue-raa i niuhia ’i te ture taatoa a Mose e te mau papai a te mau perophta. (Mt 22:37-40) Noa ’tu e ere te mau Kerisetiano i raro a’ea i te faufaa i faaauhia ia Israela, tei raro a’ea ratou i te ture a te Arii ra o lehova e i ta ’na Tamaiti, te arii ra o lesu Mesia, ia au i te faufaa apî.